

Rector magnificus nobo Dr. Miguel Goede

Universidat ta desaroyando un Knowledge-zone pa 2020

Willemstad - Universidat di Antia (UNA) tabata bai den mal direkshon último añanan.

Asina por mensioná entre otro akshonnan di studiantenan i akshonnan di trahadónan.

Ademas tabata un sekreto públiko ku internamente den UNA tabatin un lucha konstante pa poder.

Esakinan a kulminá den un intervension di minister leeflang i kasonan den Korte.

Ku nombramentu di Dr. Miguel Goede dia 21 di yuni komo rector magnificus kosnan a kuminsá normalisá.

Apesar ku mester bisa ku manera tur proseso di cambio el a haña resistensha, pero a logra di manchá e proseso i awor UNA ta rumbo pa 2020 manera e rector mes ta indiká.

KNOWLEDGE ZONE (K-ZONE)


E rector magnificus nobo Dr. Miguel Goede a start ku un vishon i moveshon.

Asina Dr. Goede ta proyektá un Knowledge Zone (K-zone).

Un zona di konosementu ku hende ku ta siña i studia ta buska pa traha.

Ku esaki Goede ke mira un área kaminda ku personanan ku ta parti di ekonomia di konosementu, artistanan, estudiante etc ta buska pa biba i traha.

Algu similar ku Silicon Valley pero na un estilo



Dr. Miguel Goede Rector Magnificus nobo

Karibense similar na Barcelona.

Den e kuadro aki mester bisa ku e velosidat di Internet di 155Mb di UTS ta esensial pa desaroyo di e K-zone.

UNA ke partner ku tur organisashon den su besindario: IFE, Airport, UTS, Carmabi, Soltuna, Kurá Hulanda, Aquelectra, etc. "Mas pronto ku nos ta kere e K-zone ta un realidat", asina Dr. Miguel Goede a enfatisá.

101010 KÒRSOU A BIRA PAIS

"UNA tin un ròl impor-

tante den edifikashon di Pais Kòrsou", asina Dr. Miguel Goede a aksentuá relashoná ku dia 10 di òktober 2010 Kòrsou a bira Pais.

Nos no ke solamente eduká e hendenan den a pais aki, pero tambe nos tin ku bini ku siensia pa sostené e desaroyo aki.

Esaki lo enserá investigashon riba tereno, tékniko, sosial, ekonómiko, hurídiko pero tambe médiko.

Dr. Goede: "Na Kòrsou nos ta buska algu imposibel: kambio sin kambia.

E fórmula ei ta imposibel. Nos tin ku komprondé ku pa nos kambia kos nos tin ku kambia kos.

Nos tin hopi kos di drecha na Kòrsou i nos no tin teimpu di perdè.

Keré mi, henter region

ta subiend mas rápido ku nos.

Nos tin ku enfoká riba nos hendenan i riba inovashon.

Tur esaki den un kuadro di durabilidad.

Wak kiko e fenómeno Tomas a siña nos.

Orkan Tomas a duna sin duda hopi trabou.

Sigur e Fakultat Tékniko tin ku hasi hopi estudio. Nos tin hopi hùiswèrk.

Ban traha shonnan! No tin tempu!

Ban traha positivo pa adelanto di Kòrsou."

Asina e rector magnificus a bisa na un manera determiná.

Un otro punto di preokupashon ku nos mester atendé ku e rector magnificus a trese dilanti ta e echo ta ku inovashon di media no a hasi Kòrsou mas agradabel i nos ta malusá e medionan pa kaba ku hende.

Ta lanta akusashonnan sin base.

Segun Dr. Miguel Goede e kos aki lo korigi su mes. "Nos sosiedat a bira intolerante.

Asta e dia di toleransha nos mester organisá, anto Minister di Enseñansa a referi na e intoleransha

aki."

Goede ta haña ku ta masha bon mes ku temanan manera toleransha i diversidat ta kuminsá biba den nos komunidat

E BALANSA TA POSITIVO

Rector magnificus di UNA a kontinuá bisando ku no opstante tur esaki e balansa ta positivo.

Nos komunidat i UNA tin tur potensial.

UNA ta bai den bon direkshon; nos akreditashon ta kanando den bon kaminda.


Nos búlnan lo ta rekonosé na partinan importante di mundu.

UNA a regionalisá, bista ta riba Karibe hulandes, spañó, franses i ingles. Tambe UNA tabata hopi aktivo.

Masha hopi charla i seminario a wòrdou organisá.

E aña ku ta bin lo ta meskos.

Dr. Miguel Goede ta hasi uso di e oportunidat i ta deseá tur hende un felis Pasku i kambio di aña i ku e speransa ku den 2011 nos bon desonan ser kristalisá.



Universidat di Antia ta pasando den un transformashon tantu di nomber komo di kapasidat i ta birando un Zona di konosementu sientifiko

Felis dianan di Fiesta